



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Historia Provinciæ Paraquariæ Societatis Jesv**

**Techo, Nicolas**

**Leodii, MDCLXXIII.**

Cap. 17. Ad Tebiquarim utiliter excurritur.

**urn:nbn:de:hbz:466:1-38528**

credibili Hieronymi Porcelli labore, Sacraenta post debitam catechesim diu noctuque moribundis magno fructu conferentis. Ibidem bimula puerilla, conspecto coram matris suæ adulterio, in hæc verba prorupit. *Ne tuam, ô Mater, turpidum videre alias cogar, Deum rogo, ut me vitâ privatam ad Cœlos evêhat, ubi Superos fatigabo, ne demonem iterum male monentem audias.* His dictis, paulò post puerilla, nullâ ante ægritudine tentata, in morbum lethalem incidens, ad innocentium patrem evolavit. Neophytus festis diebus sacrificanti adesse negligens, illud etiam addidit, ut sacro Quadragesimæ tempore intempestâ nocte carnem voraret, sacrificio joco dictans, non esse cur sibi à Deo noctu dormiente timeret: mirum dictu sequenti festo die, post Sacrorum solemnia ab eo omissa, & voratas carnes oo tempore vetitas, repentinâ morte, sine expiacione, duplicitis sceleris ream animam evomuit: venter recentes defuncti horrendè intumuit, nemo ut dubitaret, inusitato mortis genere in eum cœlitùs fuisse animadversum. Adolescens, auditis pro concione his verbis, *Si oculus tuus scandalizat te, &c.* ne turpi objecto animæ candorem fœdaret, adeò deformiter oculos lacravat, ut morbum periculosum ex ulceribus contraxerit. Ex Japeïvensi Trium Regum oppido octoginta circiter Neophyti, boves nullo certo domino per amplissimos campos vagantes pro more collectum progressi, incidere in ferociissimos homines, cum quibus prælio facto, medium fuorum partem amisere. Cladis solatum fuit, quod omnes, expiatis animis, ad eam expeditionem processissent. Pestis longè plures ablumpsit, adeò ut exiguo planè tempore tertia incolatum pars desiderata sit. Sed postmodum novis Barbarorum accessionibus oppidum crevit.

## CAPUT

XVII.  
Ad Tebi-  
quarim uti-  
liter excu-  
sitor.

Multi trans-  
migrationem  
proficiuntur.

Ducenti &  
quinquagin-  
ta infantes  
rivo ablau-  
turi.

**N**ARRATIS, quæ ad Urvâicam gesta sunt, rerum capitibus, ad Tapensem Provinciam magnis successibus insignem me accingo. Didacus Boroa Provincialis, in Tucumaniam abiens, mandaverat nationes Ethniconum ad mare vergentes excurreti, tum ut fundandorum novorum oppidorum opportunitates explorarentur, tum vel maximè, ut ad constituta jam oppida, quanto maximè numero fieri posset, Barbari invitarentur. Tertia causa erat, ut contractâ cum his populis amicitia, Mamanucis in Tapensem provinciam clauderetur aditus: nam multa indicia apparebant nova invasionis. Primus è Sanctæ Theresiæ oppido prodiit Francisco Ximenius, exiguâ, sed fidâ, Neophytorum manu comitatus, id præsertim in oculis habens, ut quâmplurimos Barbaros ad Visitacionis inchoatam coloniam, & adhuc Sacerdote carentem, reduceret. Quinto ab discessu die Caipibarim fluvium tenuit, per quem biduo navigans Mbocaritoim alterum fluvium biduanâ navigatione attigit, donec in Tebiquarim famosum flumen dilaberetur. Horum fluviorum littorales sylvas, saltus, scopulos indagans, reperit multos mortales desiderio Christianæ religionis incensos. Ubique magna Barbarorum occurrentium, & de pago in pagum deducentium, hilaritate excipiebatur. Subinde triginta remigantium scaphæ ei occurrabant, armatas arcubus & clavis manus inter festas acclamations, echo è littoralibus scopulis repercussas, hilariter ostentantium. Plerorumque vox erat: erigeret Cruces, designaret domorum areas, ordinaret oppida, omnes in ejus potestate futuros, dummodò non cogerentur, patriâ desertâ, aliò concedere. Non defuere tamen, qui divinitus permoti, transmigrationem proficerentur: mille & quingenta capita ad novum Visitacionis oppidum, trecenta ad Sanctæ Theresiæ migratura, scilicet Ximenio permisere: ex quibus ducentos & quinquaginta infantes sacro Fonte statim abluit, ex adultis ægrotantibus multos Christianos fecit. De infante baptizando dum agitat, ejus pater furens frendensque omni conatu obliquetabatur. Cui Ximenius munieribus delinito assertuit, Baptismi aquam filio non fore lethalem, sed in eternum salutarem. Age, inquit Barbarus, baptiza eum: quod si quid mali ex hac ablutione filio meo contigerit, tuo capiti male erit. Ximenius, quia resurgebat, spretis minis, cum abluit, ablutusque statim ad promissam salutem evolavit: Barbaro nihil contra hiscere auro. Idem solebat occurantibus passim Barbaris munuscula largiri: sed cum navigii unius vectores, aliud agens, indonatos præterisset, proram jubet drepente convertere, denuoque con-

ventos,



ventos, excusatâ præteritâ oblivione, singulos donat; quod dum facit, conspicit in navigii concavo nescio quid coniectum ramis sedulò asservari, suspicatusque quod erat, fœminam & infantem cum morte colluctantes reperit: statim ergo infantem jamjam moriturum abluit: fœminam verò fotam nostris mysteriis informavit. Ex hac viginti-quinque dierum expeditione cognovit Ximenius aliquot oppida ad Tebiquarim de novo posse fundari. si copia Sociorum suppeteret. Ad suum oppidum redux, cognito. Ethnicos circumquaque incolentes annonâ laborare, ingentes ipse sementes fecit, eo fine, ut inediâ corporum premente, ad se frequentes accurrerent, panem animarum eâ occasione petituri. Nec eum fecellit opinio, numerosis turmis ad eum perpetuò undique confluentibus. Subidem tempus ibidem grassata pestis supra nongentos mortales absumpsi. Ex omni verò ætate mille & triginta-quatuor capitulo initialis Sacramenti aquæ infusa sunt.

**J**OANNES Suarius per scopulos, immittissima loca, ex Sancti Joachimi oppido etiam eò ire ausus, fame & fatigatione non semel fatiscens, numerosam Ethnorum turmam ad oppidum reduxit: è quibus centum ægros in ipsâ excursione sacro Fonte ablutos ad cœlos, ut spes est, statim transmisit. Aliâ in expeditione sexaginta ægris baptizatis, multos alios secum traxit suo tempore initiando: ipse & Christophorus Arenas, per vices, uno domi remanente, nunquam sine prædâ animarum excurrebant: unde factum, ut Sancti Joachimi oppidum ex parvis principiis jam ferè alias colonias numerositate incolarum æquaret. Hoc etiam anno Joannes Suarius non nesciis Barbaricorum morum, quos supra retuli, sepulchro fœmina recenter sepulta aure admotâ, cùm per lapidum congestorum foros tecnum halitum perceperet, tantam amotis lapidibus diligentiam adhibuit, ut ab volente expresserit in sepulchro Baptismi desiderium, quem post sufficientem catechesim ante mortem felicissima mulier amisit. Sanctorum Cosmæ & Damiani sedes, superiori anno erecta, ducentas supra mille familias censebat, ex quo numero hoc anno, præter bene magnam infantium multitudinem, octingenta & octoginta-quinque adulta capita digna reperta sunt, quibus Adrianus Formosus sacras undas infunderet. In Sancti Michaëlis oppido fructus hujus anni fuit, duodecim supra sexcentos omnis ætatis homines baptizasse. In Sancti Thomæ colonia sexcenti nonaginta-duo adulti, & quadringenti nonaginta & unus infantes, Christo per Baptismum accessere. Hujus oppidi incolas afflxere tyrides, eâ vicissitudine successum, ut satis appareret immissas ab Divinâ Justitiâ: nam postquam novendiale sacrificium, invocatâ Reginâ Cœlorum, promissâque scelerum emendatione, institutum est, fera disparuere. Sed veteratoribus ad abjuratas artes redeuntibus, redire etiam tyrides, solitam rabiem exercentes; quæ triduano suppicio peracto rursum quidem evanuere: at ubi tertio recruduere vitia, dentes etiam eò avidius exeruere, quò Divina Nemesis iteratione irritatior erat; nec ante cessit plaga, quam seriam constantemque in abjuratis vitiis exercitationem adhiberent. Illud in hoc Dei flagello notabile fuit, quod tyrides nullum discerpserint, nisi aut ariolandi arte famosum, aut in avitâ superstitione pertinacem. Adeo, quod fera nulla, adhibita licet summâ curâ, & fabricatis ubique castris, capi potuerit: ut satis constaret eas feras immissas à Deo fuisse, tamdiu lœvituras, quamdiu novi homines puniendo materiam præbuissent. In Araricensi Nativitatis Virginæ oppido trecentos nonaginta-duo proœcta ætatis homines, & trecentos trigesima-tres infantes, Paulus Benavidius latalibus aquis immergit. De Baptismis in Sanctæ Annæ coloniâ factis, quia codices perierte, idem esto ferè judicium. Adeo ut per Tapensem Provinciam, si Baptizatos in Iesu-Mariano & Sancti Christophori oppidis, de quibus infra dicam, recenseas, hic annus inter fertilissimos numerati possit.

**I**NTER tantam felicitatem multa præter morem contigerunt gignendæ formidini obnoxia: & Socii omnia, in id quod maximè metuebant, in Mamalucorum scilicet invasiones, non ineptè retorquebant, jamque prænuncii rumores de latronum consiliis per pleraque Neophytorum nostrorum oppida percrebuerant: quos

Qq 2

Utilitas ex-  
peditionis.CAPUT  
XVIII.De variis  
rebus per  
Tapensem  
Provinciam  
paratis.Utiliter ex-  
curritur.Mulier sepul-  
ta batiza-  
tur.885 bapti-  
zati.Item mille  
centum &  
octoginta-  
tres.Tyrides ad-  
natum Dei  
securant.Septingenti  
& amplius  
Christianæ  
lotti.Et forsan aliis  
totidem.CAPUT  
XIX.Christopho-  
rus Mendo-  
ça captivos  
in liberta-  
tem afferit.